

Avammut tunioraaneq pillugu Naalakkersuisunut susassaqtunullu sumulluunniit attuumassuteqanngitsumik nalilersueqqissaarluni inassuteqaasiortartussamik, Avammut Tunioraaneq pillugu Siunnersuisooqatigiinnik kingusinnerpaamik UPA2020-imi pilersitseqqullugit Naalakkersuisut peqquneqarnissaannik siunnersuut. Ilanngullugu siunnersuutigineqarpoq, avammut tunioraernerup siuarsarneqarneranut suliniutit ingerlaavartumik nalilersorneqartarnissaat siunnersuisooqatigiit suliassaannut ilaatinneqassasoq.

(Inatsisartuni ilaasortaq, Karl-Kristian Kruse)

Akissuteqaat

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Aappassaanneerera

Siunnersuummik ataatsimiititaliap sukumiisumik suliqaarsimaneranut Naalakkersuisut sinnerlugit qutsavigissavakka.

Ullumikkut namminersorlutik oqartussat inuussutissarsiorfimmi avammullu nioqquteqarnermi iliuuserisaasa amerlanerpaartaannik namminersorlutik oqartussat pigisaattut aktianik piginneqatigiiffiit arlallit aqutsinissamik suliassaqartuunerat ataatsimiititaliap eqqummaariffigaat Naalakkersuisut malugaat.

Greenland Businessip aamma Greenland Venturep, kiisalu Visit Greenlandip suliassaat avammut nioqquteqarnermut siunnersuisooqatigiinnut nuunneqarnissaasa tulluurtuunnginnerat Naalakkersuisut isumaqatigaat.

Tamatuminnga tunngaveqartumik avammut nioqquteqarnerup siuarsarnissaanut iliuuserisanut nalunaarusianik assigiinngitsunik, piviusunillu siunnersuutininik ilusilinnik Naalakkersuisunut inassutinik misissueqqissaarinernillu Avammut nioqquteqarnermut Siunnersuisooqatigiit suliqaartarnissaat tulluarpasippoq.

Aammattaaq kiffaanngissuseqarlunilu nunap iluanit avataaniillu inunnit piginnaasaqarluartunik inuttaqartillugu suliqaartooreersut qanimut suleqatigalugit siunnersuutip piviusunngortinnissaa pillugu inassutiginnineq Naalakkersuisut eqqummaariffigaat.

Oqaatigineqartutut siunnersuut Naalakkersuisut tapersorsorpaat, aammalu avammut nioqquteqarnermut siunnersuisooqatigiit siunertaannik suliassaannillu ataatsimiititaliap erseqqissaassutaat isumaqatigalugit.